

استدینا

نومرو ۲۴

بخشیه

۲۶ شباط ۱۳۲۴

بوز طومشدر. نمايشلرك مرتبلرندن بمضيلري اخذ وتوقيف ايدملشلر وبرطاقى ده
فرار ايلمشلردر. شمدى هر كس ايشيله كوچيله مشغول اوله رق موقوفنيك
نتيجه استجواباته تهالكه انتظار ايلمكده در. هيئت تحقيقه فعاليت تامه ايله
استجواباته دوام ايلمكده اولديغندن ارمجاعه يلتنان كروه خذله نك جزاى
سزاليينه چاريديريله رق ديكرلرينه عبرت مؤثره كوسترلسى آتيني تأمينه مدار
يكانه برچاره اوله جفنده شبه يوقدر.

يكن هفتة كي اجمال داخلیمزده برنبذه بحث ايلمش اولديغمز وجهله
بصره ده ونجده احوال بك زياده قارشمشدر. خصوصيله نجده غايت اليم
حادثه لر وقوعه كلكده در. نجدى ضبط ايله اوراسنى مقر حركات اتخاذايمك
املنده بولنان ابن السعود قبائل ساره رؤساييله اتفاق ايدرك نجد سنجاغندن
حركت ايدن عساكر عثمانيه به تعرضه باشلامش. عددلرى درت بش بيكي تجاوز
ايدن عربيان مملكتك خارجله ، ارتباط ومواصله سنى كسمشار. متصرفك مبادى
امداد طلبى اوزرينه درت طابور قدر عساكر عثمانيه سوق ايدلمش.

ابراهيم احسان

اجمال خارجى

يكن اجمالزده صربستان حكومتك معتدلايه ومسالمتهروانه حركت ايتمه
امالاهى ايچون دولترجه بلغرادده تشبثات مشتركه اجراسى تقرر ايتمك اوزره
اولديغنى خبر ويرمش ايدك. بر خيلى مذاكرادن صكره ويانه ده ايفاي تبليغات
اولتمسزين بلغراد حكومته وصايائى لازمه اجراسى خصوصنده بين الدول اتلاف
حاصل اولمش اولقله برابر روسيه حكومتى دول سارمندن اول طاورانه رق
صربستانه وصايائى لازمده بولندى. صربيلرك روس نوطه سنه ويرديكى جواب
حقنده آلان خبرلر يكديكرينه بك مياين ايدى. صربستاندن انتظار اولنان جوابك
تعويضات ملكيه مدعيانندن واز كچه جي وتسليه حانه نهايت ويرمجي مكرنده
اولمى مطلوب ايدى. حالبوكه ايلك خبرلر بونك عكسنى اشعار ايدبور ، قرال

ریاستی تحت‌تند منعقد مجلس وکلانک «تعویضات ملکیه مطالبی سقوطیچنا مجلسندن
 کچه‌رک تصویب ایدلمش اولدینی ایچون بولردن صرف نظر ایتک حکومتجه
 غیر قابل اولدیغنه قرار ویردیکی ادعا اولونیوردی . بالاخره پترسبورغدن
 وبلغراددن صورت رسمیه‌ده نشر اولنان تلغرافنامه‌لر ایسه صربستانک دائمی
 مستقیمانه حرکت ایتکجه جهد و اقدام ایلدیکندن، دولترک محافظه صلح و مسالمته
 معطوف مساعی مشترکله رینه اغترار آکندیسنک‌ده اخلاص آسایشه بادی حرکاتدن
 توقی ایلیه‌جکندن، آوستریا ایله حسن مناسباتده بولنق آرزوسنده اولدیغندن ،
 والحاصل هر خصوصده اروپانک رأی عادلانه‌سنه اقیاد ایلیه‌جکندن صراحة
 بحث ایللیوردی . بر ماهیت رسمیه‌یی حاز اولان بو تلغرافنامه‌لرک آرده‌کی
 اختلافک حسن صورته تسویه ایلدیله‌جکی مصرح بولنملری اروپا اذهان
 عمومی‌سنجه پک زیاده باعث اطمینان اولمش ، بالقان بحرانک ارتق زواله یوز
 طوتدیغنه حکم ایتدرمش ایدی . تأسف اولنورکه بو نظریات نیک بینانه یابدار
 اوله‌مدی . صرب نظارندن بعضی‌لری صربستانک جوابنه‌دار واقع‌اولان تبلیغاتک
 تأثیرات حسنه‌سنی ازاله‌ایده‌جک افاداده بولندیلر؛ صربلیلرک تعویضات ملکیه‌دن
 واز کچمده‌کلرینی، ساده‌جه اروپانک رأینه حواله کیفیت ایلدکلرینی بیان ایتدیلر؛
 شو حوادث متباینه آره‌سنده کشف حقیقت متعسر ایسه‌ده صربلیلرک هر حالده
 پک ماهرانه بر جواب ویردکلری محققدر . صربستان حکومتی افکار عمومی‌یه
 قارشو بر موقع مشکده قالماق ایچون اعوجاجلی بر طرز افاده بولمقله برابر
 بتون اروپایه تحمیل ایتمش اولدی . اروپا مطبوعاتی صرب حکومتی حقنده
 تقدیرخوان اولیورلرسده چاره تسویه هنوز بولنه‌مامشدر . آوستریا حکومتی
 بدایت مسئله‌دنبرو تعقیب ایتدیکی نقطه نظردن آریلیور . هر حکومته عادل
 مسائلک بلاواسطه او حکومتلر آره‌سنده فصل وحسم ایدلمسی لازم کله‌جکی
 خصوصنده اصرار ایدیور . بو مقصدله بلغرادده‌کی آوستریا سفیری قوت
 «فورناچ» حکومتک نقطه نظرینی ترویج ایتدرمک اوزره صربستان حکومتنه
 بعض تبلیغاتده بولنمش ایسه‌ده صربلیلر بو جهته هنوز یناشئامشدر . صربستان

حکومتك فكر بنجه آوستريا ايله طوغرىدن طوغرى به مذاكره ايديله جك بر مسئله موجود دكلدر ، مسئله موجوده بتون دولتره عائد بر مسئله اولوب بين الدول تذكر ايدمليدز . آوستريا ايسه بوني قبول ايتيور ، بوندنماعد بوسنه وهرسكه عائد نقاطك كافه سي حل ايدمكجه قونفرانس داخل اوله ميه جغنى ككان ادعا ايديور . خلاصه فرانسه انكلتره وروسيه حكومتلى غوائل حاضره نك صلحا رفع وازاله سي امرنده متفق الرأى بولندقلى حالده آوستريا - صربستان تفاقك حظه برامكان بولنه مامشدر . هرايكى جهتمدن انديشه لر بايدارد . آوستريا حكومتى صربيلرك ترك تسليحات ايتلىرى طلب ايتدىكي حالده يكيدن بش فرقه عسكر به نك سلاح آلتنه آلمسنه قرار ويريور ، سقويچينا نك ماليه انجمنى ده اوتوز بش مليونلق تخصيصات فوق العاده دن ماعدا حربه نفارتى بودجه سنه سنه حاضره انجون اون بش مليون فراق ده علاوه ايدملى اهنده اعطاي رأى ايديور . صربيلرك يكي بازار سنجاغى طرفلر نده استكشافات عسكر به ده بولنق اوزره اورايه ضابطلر اعزام ايدمكلى ده عيى زمانده شايع اولان روايتلر جمله سندنذر . صربيلرك يكي بازاره عائد افكار و منوياتى هنوز لايقيه اكلاشمامقده در . روش حاله كوره بوسنه وهرسك طرفنده آوستريادن برشى قوپاره ميه جقلىرى اكلا بنجه يكي بازاره توجه نظر ايتك ايسته يورلر .

برلينده چيقان « لوقال انچايكر » غزته سنك پارسده آلدني بر تلغرافنامه يك زياده جالب دقتدر . بو تلغرافنامه شو يولده معلومات ويريليور :
 فرانسه ، روسيه و انكلتره حكومتلى ويانه قاينه سنجه اتخاذ مقررات اولغزدن اول صربستانه ارانه اولنه جق فوائد حقه نده بر تشبده بولنقه ميال دكلدرلر بونكله محافل رسميه بوجه آتى بر صورت تسويه رجوع ايتك احتمالي درپيش ايتمكدن خالى دكلدر : حكومت عثمانيه يكي بازار سنجاغنده بر طريق تجارت آچق نيتنده در حق متفقاً قرارلشديله جق بر اجرت مقابلنده صربيلرله قره طاغيلرك ده بو يولدن استفاده ايتلىرىنه مخالف دكلدر . يالكز بو ايكي حكومت آرده سننده اجرا قلنان معاملاتك معاملات تجاريه دن عبارت قلمسى مشروطدز . روسيه حكومتى بويله بر صورت تسويه ميال اولمقله برابر

ویانه قابینه‌سی کو چندیر مامک ایچون شمیدن بیان ایتمکدن اجتناب ایلدور»
 بو تلغرافنامه مندرجاته صحیح نظریله باقی حائر اولماق له برابر المان غزته لرینک
 اوستریایی صیانتاً اورته به نه کبی فکر لر سور دکلی اکلار شملق اوزره انظار دقه
 وضعی بی لزوم کورمک . مع هذا بو کبی تصورات دولترجه هنوز نظر دقه
 التامشدر . اليوم اك زیاده تأمل اولتان و هله روسلرجه بغایت التزام اولتان
 جهت دولترک وبانه اجرای توسط ایتملری قضیه سیدر . ارباب سیاست
 اوستریانک صربستانه قارشو زبون کشلک ایتدیکنی ، کندیسکی ترک تسلیحات ایتک
 شویله طورسون باری صربستانه نه وره جکی احساس ایتدن کندی مطالبی
 ترویج ایتدیرمک ایتدیکنی شایان مؤاخذه کوربور ، حتی المان غزته لرندن
 بعضیلری بیله بارون دهرنتالک شمیدی به دکن هر دیله دیکنی قبول ایتدیردیکنه
 مغرور اوله رق معتدلانه حرکت ایتدیکنی مقام تنقیده بیان ایتشلمسه ده بو
 کبی حق پرست جراند مع التأسف نادر در . حکومتر بالقان بحر انک تولید
 ایلدیکی اندیشه لرک دوامندن بالذات یزار اولدق لری حالده عزت نفس ملاحظه لرینی
 بر طرفه بر اقوبده تطمین اذهانه خدمت ایده میورلر . . .

بو کیدیشه بالقان بحر انک ده جوق زمان تمادیسلی ملحوظ و روسیه
 حکومتک دولترلی قونفرانسه دعوت ایده جکی حقنیده کی روایتک صحتی پک
 مشکوکدر . . طوغری ، حتی واقع اولان بر شی وارسه اوده حکومت
 مشارالیه بک کشمکش اره سنده بیله بلغارستان ایله صربستانی یکدیگریته
 تقریبه چالشمقده بولندینی کیفیتیدر . . هر نه حال ایسه اوزاق بر آتی به
 مدنظر ایتیم ، شمیدلک رفعت پاشا حضرتلرینک پترسبورغده موسیوایزوولسکی
 ایله اجرا ایلدیکی مذاکرات منمیر اوله رق دولتک باری شو غوائل خارجیه دن
 صیریلسی بزجه اك زیاده تمی اولنه جق بر دقیقه در .

ایران احوالک قطعیت کسب ایده مامسی پک جوق زمان کال تأثرله
 تخمین ایتدیکنمز نتایج البیهی حاصل ایتک استعدادینی کوستریور . احرارک
 موفقیات عیدمه سنه رغماً شاه ایران اعاده مشروطیته میل ایتدیکی و فضله اوله رق
 بر طاقم اشقیانک حرکات باغیانمه یول آجیدینی ایچون داخل مملکتده کی
 فترت کتدکجه آرتیور . بوندن ماعدا فرقه احرار ایله شاه ده طوغریسی

استبداد طرفدارلری روسیه حدودینه یقین حوالیده^۱ چار بیشه رق بو حوالینک حضور و سکونی اخلاص ایتدکرنندن طولانی جلفه ده کی روس قونسلوسی مبارزلرک اورالردن تباعد ایتدکلی تقدیرده روس عسکرینک ایرانه داخل اوله جغنی بیلدرمشدر .

ایران بلاد و قصباتی آره لرنده کی مسافات بمیده سیبیله نه شاه طرفدارلرینک و نه ده احرارک قطعی بر موفقیت احراز اتمسی وقته محتاج بولندیغنی و الیوم موجود تذبذبک ده بر خیلی زمان امتداد ایلجه کی روسیه و انکلترونک پک دوراندیشانه بر صورتده تخمین و تقدیر ایدرک ایرانده دأره نفوذلری تمین و تحدید ایلمش اولدقلری دوشونه جک اولورسه ق ایرانک الیوم نه بیوک برتهلکه به معروض بولندیغنی تظاهر ایلر .

روسیه نک بو تهیدیغنی نه درجه به قدر اجرا ایده جکی مجهول اولمقله برابر محضاً حوالی حدودیه سنک محافظه حضور و آسایشی مقصدیه عسکر سوق ایتسه بیه بو حال ایران حکومتی ایچون پک زیاده باعث غوائل اوله بیلور . احرار ایرانک مملکتی ربقه اسارتدن قورنارمق املی ایله آچدقاری مجاهده نک نهایت الامر مداخله اجنبیه بی دعوت ایلیمسی نه درجه لرده موجب تلفات اولسه سزادر . بزبوفعال و قناعتکار مملکت نائل نعمت مشروطیت اوله رق طریق ترقیده طی مراحل ایتلرینی کورمک استر ایدک . نه چاره که شاهک اغوائت مقریننه قایلوب ادامه استبداده هر چه باد آباد چالشمسی بو تمیناتک حصوله قارشو برسد آهنین چکیور شاه بو غیرت مدخوله بی محق کوسترمک ایچون اعاده مشروطیت ایدراتمز حیانتک تهلکه ده قاله جغنی و چونکه احرار ایران نامیه یاد ایدیلن فرقه نک طرفدار مشروطیت دکل ، مألوف فترت اولدیغنی ادعا ایدور . بو ادعائک مجروحیتی بدیدارد . نه چاره که فرقه احرار هیچ بر جهتدن مظهر معاونت اوله میور ، بالعکس روسیه نک تهیدی و بلکه ده شاهه معاونتی سوقبله مقصودینه ظفریاب اوله میور . شاه مقدما تبریزی استئنای ایدرک انتخابات اجرایی امر ایتکه موافقت ایتش ایکن شمعی بوکاده قائل دکل . عجیباً روسیه نک شمعیکی تهیدی شاهک مشاورلری بشقه درلو دوشونکه سوق ایده میه جکمی ؟ استبداده انهما کبری وطنک معروض بولندیغنی تهلکه نک وخامتنی اکلامیه حق درجه لرده میدر ؟